

Script Of Evening Gojri News Bulletin 11 June 2024 at 1700 Hrs

ایوننگ گو جری نیو ز بلیٹن مورخہ 11 جون 2024

یوہ آکا شوانی جموں ہے محمد سفیرتے اظہر حسین تیں خبر سُنو۔ پہلاں خاص خاص خبر۔

- *1- نواں مقرر وزراء نے تقریباً اپنا اپنا عہدہ سنبھال لیا ہیں۔
- *2- مرکزی وزیر ڈاکٹر جتندر سنگھ نے اظہار کیو ہے جے گذشتہ دہائی غے دوران گڈ گو رننس یعنی بہترین واسطے بہترین اقدامات چایا گیا ہیں اور یوہ سلسلو آئندہ وی جا ری رہ گو تا نجے شہریاں غی مرکزیت تے آسان زندگی گزارن نانہہ یقینی بنا یو جا ئے۔
- *3- وزیر اعظم نریندر مو دی نے کہیو ہے جے بھارت غا لوک ہمیشہ امن سلامتی تے ترقی پسند خیالات غی خاطر کھلا ہیں۔
- *4- وزیر اعظم نریندر مو دی نے اپیل کی ہے جے ہر کوئی یوگا نانہہ اپنی زندگی غو لازمی حصو بناویں۔
- *5- عدالتِ عظمیٰ نے اج نیٹ انڈر گریجوٹ 2024 غا امتحان تیں بعد میڈیکل پروگراماں مانہہ داخلہ کو نسلنگ غا عمل ور روک لان تیں انکار کر دتو ہے۔

خبراں غی تفصیل نال پہلاں محمد سفیر۔

Ministers Charge

نویں کا بینہ مانہہ زارعت تے کسان بہبود غی وزارت گو عہدو سنبھالتاں واں شیو راج سنگھ چوہان نے اظہار رکیو ہے جے وزیر اعظم نریندر مو دی نے کساناں غی آمدنی دُگنی کرن گو مسئلو حل کیو ہے اور سرکار اس غا استحکام واسطے مزید کوشش جا ری رکھے گی۔ انہاں نے کہیو ہے وزارت ہُن اس مانہہ مزید تیزی لیا ویگی اور اس بارے وے متعلقہ افسراں نانہہ ہور سنکلپ پتر پیش کریں گا۔ قدرتی گیس تے پیٹرولیم غی وزارت گو قلمدان ہر دیپ سنگھ پوری نے سنبھال لیو ہے جد کہ گجیندر سنگھ شکھاوت ثقافت غا وزیر بنا دتا ہیں۔ عہدو سنبھالتاں واں انہاں نے اظہار کیو ہے جے وزارت نے دُنیا پھر مانہہ بھارت غی اک مثالی تصویر پیش کی ہے اور ثقافت تے سیاحت غی وزارت وکست بھارت نانہہ بڑا پیمانہ ور پیش کریں گی۔ جتن رام ما نجھی نے چھوٹا، بہت چھوٹا تے درمیانہ درجہ غا کاروبار غی صنعت غا وزیر غو عہدو سنبھالیو۔ ارجن رام میگھوال نے وزیر مملکت آزادانہ چارج قانون و انصاف غو عہدو سنبھالیو اور منوہر لال بجلي غا وزیر غا طور ورور تعینات ہوا ہیں۔ اور ڈاکٹر جتندر سنگھ وزیر مملکت آزادانہ چارج عملہ تے تربیت غا عہدہ ور تعینات ہوا ہیں۔ جینت چودھری

نانہہ بُنر ترقیات تے کا روبا ری فروغ غو وزیر مملکت بنايو گيو ہے۔ عہدو سنبھالتاں واں اُنہاں نے اظہار کيو جے وے مشن وکست بھارت گا نظریہ غی خاطر ہر ممکنہ کوشش کریں گا۔ اُن غے علا وہ سنجے سیٹھ نے وزیر مملکت برائے دفاع گو عہدو سنبھالیو اس موقع ور اُنہاں نانہہ مرکزی وزیر برائے دفاع راجناتھ سنگھ نے مبارکباد پیش کی۔ واضع رہ جے مذکورہ وزراء نے اپنا عہدہ سنبھالنا تیں بعد وزیر اعظم نریندر مودی غا ترقیاتی منصوباں غی ستائش کی اور یقین دہانی کرائی جے مُلک غی ترقی غی راہ نانہہ ہموار کرن واسطے اپنو اپنو کردار بخوبی نبھایو جائے گو۔

Amit Shah

اج امت شاہ نے مرکزی وزیر داخلہ تے وزارت امدادبہمی غو چارج سنبھال ليو ہے۔ اسے دوران اک ہور لیڈر اپنو رنا دیوی نے خواتین اور بچاں غی ترقی غا وزیر غو عہدو سنبھالیو ہے۔

Scindia Charge

جیوتر ادیتا سندھیا نے آج وزیر مواصلات غو عہدو سنبھالیو ہے۔ عہدو سنبھالنا توں بعد ذرائع ابلاغ سنگ گل کرتاں واں جناب سندھیا نے کہیو کہ محکمہ نے وزیر اعظم نریندر مودی غی قیادت مانہہ اک انقلاب دیکھیو ہے۔ اُنہاں نے یوہ وی کہیو کہ وے اس گل نانہہ یقینی بنان واسطے اپنی پوری کوشش کریں گا کہ وے وزیر اعظم غے نال نال بھارت غی 140 کروڑ عوام غی اُمنگاں نانہہ وی یقینی بناویں۔ اس دوران جگت پرکاش نڈا نے صحت تے خاندانی بہبود غا وزیر غو عہدو سنبھالیو تے اُنو پریا پٹیل تے جادو پرتاپراؤ گنپرو وزارت غا دوئے وزرائے مملکت وی اس موقع ور موجو دتھا۔

Jatin Prasad IT Electronics

برقیات اور اطلاعات غا نواں وزیر مملکت جتن پرساد نے اج کہیو ہے کہ اطلاعات صنعت نے پچھلا 10 بہراں مانہہ زبردست ترقی اور تبدیلی دیکھی ہے۔ اور سرکار غو مقصد بھارت نانہہ عالمی اطلاعات تکنیک غو مرکز بنانو ہے۔ اپنی وزارت غو عہدو سنبھالنا توں بعد جناب پرساد نے کہیو کہ موجودہ دور مانہہ برقیات اور اطلاعات خاص طور ور بُنر مند نوجوانوں واسطے کلیدی رول ادا کریں۔

Jatinder Governance

وزیر مملکت برائے عوامی شکایات، پنشن تے عملہ ڈاکٹر جتندر سنگھ نے نارٹھ بلاک اپنا دفتر مانہہ اپنو عہدو سنبھالنا تیں بعد اظہار کيو ہے جے بہترین سرکار

یعنی گڈ گو رننس با رے گذشتہ 1 بہراں مانہ چایا گیا اقدامات نانہ آئندہ مزید فروغ دتو جائے گو، تا نجبے عام آدمی غی زندگی نانہ آسان تے خوشحال بنايو جا سکے۔ انہاں نے کہيو جے وزیر اعظم نريندرو دی غی سربراہی مانہ سرکا ر گذشتہ دس بہراں غی رفتار ور ہی کم کرے گی۔ جس طرح جے گذشتہ بہراں مانہ سرکا ر غا کم کاج مانہ کئی قسم غا بہترین انقلاب لایا گیا ہیں۔ اور اس دوران کہٹوں کہٹ حکومت تے زیادہ تیں زیا دہ گو رننس نانہ ترجیح دتی گئی ہے۔

PM Pak

وزیر اعظم نريندرو دی نے کہيو ہے کہ بھارت غا لوک ہمیشہ امن، سلامتی اور ترقی پسند خیالات واسطے کہڑا رہیا ہیں۔ انہاں نے یاہ گل پا کستان غا سابق وزیر اعظم اور پاکستان مسلم لیگ نون غا سربراہ نواز شریف غی طرفوں جناب مو دی نانہ نتیجی با ر عہدو سنبھالن ور نیک خواہشات پیش کرن واسطے اک سماجی ذرائع ابلاغ پوسٹ غو جواب دیتاں واں کہی۔ وزیر اعظم مو دی نے کہيو کہ لوکاں غی بھلائی اور سلامتی نانہ آگے بدھانو ہمیشہ ان غی ترجیح رہے گی۔ اس با رے پاکستان غا وزیر اعظم شہباز شریف نے کہيو کہ حالیہ انتخابات مانہ بی جے پی غی کامیابی جناب مو دی غی قیادت ور عوام غا اعتماد غی عکاسی کریں اور انہاں نے وزیر اعظم نريندرو دی نانہ بھارت غا وزیر اعظم غو حلف لین ور مبادی رکباد پیش کی ہے۔ اس دوران وزیر اعظم نريندرو دی نے ان غی خواہشات واسطے ان غو شکریو ادا کیو۔

PM India Qatar

وزیر اعظم نريندرو دی نے اج اظہار کیو ہے جے بھارت تے قطر اپنا دوطرفہ تعلقات نویں بلندی تک لے جان واسطے وعدہ بند ہیں۔ وے اس گل گو اظہار سماجی میڈیا غے ذریعے قطر غا امیر شیخ تمیم بن حماد الثانی نال کر رہیا تھا۔ وزیر اعظم نے مذکورہ رہنما غا بھارت تیں مثبت رویہ ور شکریہ غو اظہار وی کیو۔

یہ خبر تم آکا شوانی جموں تیں سن رہیا ہیں خیراں غا باقی حصہ نال اظہار حسین۔

PM Yoga Day

بین القوامی یوگا تہاڑو ہر سال 21 جون نانہ منایو جائے۔ اس سال یوہ تہاڑو 10 ویں بین القوامی یوگا تہاڑو وے گو۔ اس دن با رے عوام مانہ جوش و لولو پیدا کرن واسطے اج وزیر اعظم نريندرو دی نے سماجی میڈیا ور پوسٹ کر کے اظہار کیو جے مذکورہ تہاڑو یکجہتی تے اتحاد غا اظہار کرن غو تہاڑو ہے۔ انہاں نے کہيو جے یوہ دن دنیا پھر غا کہرباں لوکاں تے تہذیب

نانہہ آپس مانہہ جوڑن غو کم کرے۔ اُنہاں نے عوام نانہہ تاکید کی جے وے یوگا نانہہ اپنی زندگی غو اہم حصو بناوین کیونجے یوگا زندگی مانہہ اُن آلی للکاراں نال نمڑن واسطے قوت بخشے۔ اُنہاں نے سماجی میڈیا پلیٹ فارم ایکس ور کئی ہدایات تے فوائد با رے ویڈیو سانجھی کیں۔ اور اُمید ظاہر کی جے لوک مذکورہ ویڈیو تیں متاثر ہو غے یوگا نانہہ عملی طور اپناوین گا۔

SC NEET

عدالتِ عظمیٰ نے اج 2024 انڈر گر یجوٹ کنیٹ غا امتحان توں بعد طبی پروگراماں مانہہ داخلہ مشاورات غا عمل ور روک لان توں انکار کر دتو ہے۔ عدالت نے اس سال 5 مئی نانہہ منعقد ہون آلا یو جی نیٹ امتحان نانہہ ملتوی کرن غی درخواست ور قومی ٹیسٹنگ ایجنسی یعنی این ٹی اے اور دیگر توں جواب طلب کیو ہے۔ تے ہُن اس معاملہ غی سماعت اک ہو ر زیر التوا عرضی سنگ جوڑن توں بعد 8 جولائی نانہہ وے گی۔ واضح رہ جے یاہ درخواست نوجوان خواہشمند طلباء غی طرفوں دائر کی گئی ہے تا کہ امتحان مانہہ آلی بدعنوانیاں تے دھوکہ دیہی غی فوری اور مکمل تحقیقات کی جا سکے۔ اُنہاں نے امتحان غا نتیجاں نانہہ واپس لین اور نواں امتحان غا انعقاد غو وی مطالبو کیو۔

UGC Biannual Admission

یو نیو رسٹی گرانٹ کمیشن آئندہ تعلیمی سال تیں اعلیٰ تعلیمی اداراں مانہہ سال مانہہ دو بار طلبہ غا داخلہ کران غی پالیسی با رے اقدام چاہ رہیو ہے۔ جد کہ ہُن تک یو جی سی غے تحت 1 تعلیمی سال مانہہ 1 با رہی طلبہ غا داخلہ کیا جائیں تھا۔ اس بارے یو جی سی غا چیرمین مامیدلر جگدیش کمار نے کہیو جے اس پا لسی غے تحت وے طلباء مستفید وین گا جہیڑا بورڈ نتائج مانہہ دیری، صحت یاہ کسے ہو ر مجبوری غی وجہ تیں داخلو نہیں لے سکیں تھا۔ اور وے طلباء جہیڑا سال پھر داخلو لین غو انتظار کریں تھا وہ انتظار وی ختم ہو جائے گو۔

OGW JK

جنوبی کشمیر غا ضلع پلوامہ تیں لشکر طیبہ غا 3 او جی ڈبلیو نے گرفتار کر غے اُن غا قبضہ تیں 2 دھماکہ خیز آلات وی ضبط کیا ہیں۔ پولیس ذرائع غے مطابق ان دھماکہ خیز آلات غو وزن 6 کلو گرام تھو۔ جہیڑا گذشتہ اتوار نانہہ ضبط کر غے بعد مانہہ ناکارہ بنا دتا۔ مزید پو چھ تاچھ غے دوران لشکر طیبہ غا کمانڈر ریاض ڈار تے اس غو ساتھی رائیس ڈار جہیڑا 3 جون نانہہ مار دتا گیا تھا نال منسلک او جی ڈبلیوز تیں دھماکہ خیز مواد ضبط کیو۔ اور ذرائع نے دسیو ہے جے ماریا گیا

دہشت گردان نانہہ پناہ دین غا سلسلہ مانہہ مذکورہ 3 او جی ڈبلیو گرفتار کیا گیا ہیں۔

News Tex Devolation

مرکز نے رواں مہینہ واسطے 28 ریاستان نانہہ ٹیکس غی منتقلی غا طور 1 لکھ 39 ہزار 7 سو 50 کروڑ روپیہ غی اہم قسط جاری کرن غو اعلان کیو ہے۔ وزارت خزانہ غے مطابق اس قدم نال ریاستی سرکاراں گا ترقیا تی کماں غی رفترا مانہہ تیزی آوے گی۔ مذکورہ قسط غے تحت سب تیں متی رقم 25 ہزار کروڑ روپیہ ریاست اتر پر دیش نانہہ واگذار کیا گیا ہیں تے بہار تے مدھیہ پر دیش دوجہ تے تیجا پائیدان ور ہیں۔ یاد رہے عبوری بجٹ سال 25/2024 مانہہ اس نوعیت غا کل 12 لکھ کروڑ روپیہ مختص کیا گیا تھا۔ وزارت خزانہ نے دسیو ہے جے رواں مہینہ غی 10 تا ریخ تک 2 لکھ 79 ہزار کروڑ روپیاں تیں متی رقم بکھ بکھ ریاستان واسطے واگذار کی جا چکی ہے۔

Weather JK

جموں غا میدانی علاقان انہہ گرمی غی لہر اور جموں کشمیر غا باقی حصان مانہہ گرم تے خشک موسم غی پیشنگوئی غے درمیان زیا دہ تر مقامات ور گذشتہ درمیانی رات غو درجہ حرارت معمول توں کھٹ ریکارڈ کیو گیو ہے۔ محکمہ موسمیات غا اک اہلکار نے دسیو ہے کہ 17 جون تک موسم عام طور ور خشک رہن غی توقع ہے تے الگ تھلگ مقامات ور ہلکی بارش تے گرج چمک غو امکان ہے۔ انہاں نے دسیو کہ 18 توں 21 تک عام طور ور آبر آلود موسم ہون سنگ ہلکی بارش اور گرج چمک دوپہر تک الگ تھلگ مقامات ور متوقع ہے۔

اس غے نال ہی خبراں غو یوہ بلیٹن ختم ہوؤ۔